

## Modimo yo maatla ga a tlogele sebe fela

Thero mo Joele 3

*Palo ya Beibele: Joele 3*

*Temanathero: Joele 3*

Nakong ye e fetilego ke ile ka bala molaetša o tšhošago mo pukung (magazine) moetapele wa kereke o ile a kgaolwa hlogo nageng ya Russia. Monna yo o be a bonwe dibekeng tše pedi tše fetilego a fologa mo taxing. Ka morago ga beke mosadi wa gagwe o ile – a humana ditaba tša go tšhoša – hlogo ya gagwe e be e rekišwa mo mabekeleng a Grozny, toropong yeo ba bega ba dula go yona. Karolo ye a Russia go be go tsebagaditšwe Sharia. Sharia ke gore melao ye e beilwego ya maMoseleme. Molaetša o kopana empa wa go tšhoša. Mo mengwageng e mentši Bakriste ba bantši ba be ba swanetše go lefela ka maphelo a bona ka lebaka la go dumela go Kriste. Ge o ekwa molaetša o bjalo, yo mongwe a ka botšiša: gobaneng Modimo a sa dire se sengwe mo ditropong tše? Ana ga se nako ya gore Modimo a beakanye lefase gabotse?

### Tabataba: Modimo yo maatla ga a tlogele sebe fela

#### 1) O etela lefase ka kotlo ya gagwe

Moporofeta Joele o thomile diporofeto tša gagwe ka go tsebagatša kotlo ya Modimo mo go batho ba gagwe, ka lebaka la maphelo a bona a go sebe bo Modimo, le ka lebaka la go mo direla ganyane mo tirelong ya gagwe. Mohlomongwe o gopola thero: ka ga kotlo ya ditšie... ka kotlo ye Modimo o be a biletša batho ba gagwe tshokologong. Mo lengwalo la thero ye, Joele 3, moporofeta ka tsela yengwe o botša le ditšhaba tše dingwe. batho ka moka ba ba agilego mo lefaseng leo le hlodilego ke Modimo. Gomme ka moka ba ile kgole le Yena, ba bile kgahlanong le Modimo le mmopi wa bona. Mo kgaolong ye ba tsebagatšwa go kopana mo lefelong la Jehosafata. Gobaneng? Ge ditšhaba tše pedi di kgetha go ya ntweng, mo nakong ye e fetilego, ba be ba kopana mo moeding go hlabana. Mo moeding hlabano e be e diragala gona. Gomme bjale mo moeding mo go dulago Jehosafata, ga re go tšebe gabotse, gwa kgonagala gore re ka be re lebeletše phetolo ya polelo. Gobane leina la Jehosafata ka se heberu le ra gore: Modimo o a ahlola. Ka tsela yeo tlhalošo e bonolo: re lebeletše moedi o Modimo a tlilego go phethagatša kahlolo ya gagwe kgahlanong le bobbe. Modimo o tla otlala makgopo ka moka ka kotlo ye e lokilego.

Kudukudu batho ba bararo ba bolelwa mo kgaolong ye. Batho bao ba lekilego go senya bakgethwa ba Modimo: Tiro, Sidone, baFilisita. Tše e be e le dinaga tše tharo tše agisanego le batho ba Isiraele. Bjale ke eng molato wo ba o dirilego kgahlanong le batho ba Modimo? Re bala gore mo temaneng ya bobedi le ya boraro: 'ba patlhaladitše batho ba ka magareng ga ditšhaba gomme ba arolelana naga ya ka. Ba dirile matengwa ka batho ba ka ba rekiša bašemane go ba diotswa; ba rekiša basetsana legatong la beine gor e ba nwe.' Ana seo se ra go reng? Se ke bokgoba bja mathomo. Tiro, Sidone le Filisita e be e le dinaga tše di phatšang lewatle. Gomme ba be ba rekiša makgoba dinageng tše dingwe. Ka dikepe tša bona ba tsere balsiraele ba ba iša dinageng tše šele, gomme ba ba rekišetša dinaga tše dingwe.

Bjalo go ya ka melao ya Modimo bokgoba bo swanetše go otlwa ka kotlo ya lehu. Re bala mo go Ekisodo 21:16. Mo temaneng ya rena re bona gore nako ya Modimo e fihlile bjale. Go lekane! Bokgopo bjo bo ka se eme go ya go ile. Gomme bjale o kgoboketša dinaga tše mo moeding wa Jehosafata. Gona mo o tlile go otlala bao ba tshetšego melao ya gagwe. Ka nnete bana bešo Modimo o tlile go otlala lefase lohle.

Mo temaneng ya 13 seswantšho se bonolo se a tsebagatšwa ka mo kotlo e tlilego go direga ka gona. Diswantšho tše di tšwerwego go tšwa mo lefapeng la temo. 'Tšenyang thipa mabele a bodule. Etlang legate morara, dipitšha di tletše gomme di a tšhologa. Makoa a bona ke a magolo.

Gomme bjale go bonolo ge go laetšwa ka mo Modimo a tsebišago batho ba gagwe. Gore Lentšu la gagwe le tlile go kwagala bjang ka ge re bala mo temaneng ya 16: 'Modimo o tlile go bopa go tšwa Sione gomme bjale ka legadima le tšwago Jerusalema, lefase le magodimo di tlile go go romela.' Gomme bjale ba tlile go humana kotlo, ka lebaka la go fetša batho ba Modimo.

Ge re bala mo historing ka ga batho ba Modimo mo Beibeleng gabotse, re tlile go bona gore ka letsogo le lengwe Modimo o šomisitše dinaga tše go otlala batho ba gagwe. O di šomišitše go iša batho ba gagwe bothopsa. Gomme ka tsogo le lengwe ka go phethagatša modiro wa gagwe batho ba ba fetišitše ka go senya go loka ga gagwe. Ba itlemeletše mo go ditumelwana tša ditoropo tše. Ga ba dira fela seo Modimo a ba laetšego sona, ba šomišitše lebaka leo ka go ikhumiša ka go utswetša balsiraele ka go ba hlokošetša ka mabaka ohle. Gomme ka lebaka la se ba otlwa. Modimo o lokile. Ga a kgone go emela bokgopo, e ka ba mo gare ga batho ba gagwe, e ka ba kereke ya gagwe, goba magareng ga bao ba sa mo tšhabego. Modimo o buša lefase le, gomme bobbe bjohle o bo kgalemela ka kotlo ye e lokilego ya gagwe. Gomme seo se akaretša Bakriste ka moka bao ba hlokošetšwego le go bolawa mo mengwageng. Se akaretša gape le moetapele wa kereke ya Russia, yo ke mmoletšego mathomong. Modimo a ka se tlogele bokgopo go fihlela mofelong. O etela lefase ka kotlo ya gagwe ye e lokilego.

## **2) O etela lefase ka ditšhegofatšo tša gagwe**

Modimo o lokile gomme ka nako ya gagwe o fediša bobbe. Ga a bo tlogele go ya go ile. Gopola gore tšhegofatšo ya gagwe ga se phapang ya kotlo ya gagwe, empa di a sepidišana. Mo lebakeng la kahlolo ya gagwe o nea lebaka le go tšhabela go lokeng. Gomme mo lebakeng la kotlo ya gagwe o diragetša lebaka le lefase le menyetla go bao ba mo tšhabago. Ge re le mo lefaseng le nako ya go sokologa e sa le gona. Kudukudu mo nakong ya go tšhaba, mo nakong ya kgatelelo go ba ya mahloko, re bona batho ba tšhabela go Modimo. Ka kotlo ya gagwe Modimo o ruta batho go ba le go tlogela, gomme ba tle go Yena ka boikokobetšo, ba ipolela sebe sa bona, gomme ba humane botšhabelo go yena. Bjale ka ge re bala ka mohlala mo go Joele kgaolo ya bobedi, gore ka morago ga mo batho ba Modimo ba ile ba sokologa, Modimo o tshepiša gore o tlile go koba ditšie ka moka. O tlile go re tšenya ka moka ga tšona mo lewatleng. Pheletšo ya tšona e tlile go tšwa mo lewatleng, ka ge ka moka ga tšona di bolela mo. Gomme batho ba Modimo ga ba sa hloka go di tšhaba.

Gomme seo se akaretša le lehono. Batho ba mehla ya 21st century ba tlile go itemogela gore Modimo o lokile. Ba tlile go itemogela seo mo kotlong ya gagwe. Gomme ka nako e tee Modimo o na le kgaugelo, go bao ba laetšago go tlogela le go ipolela makgopo a bona, o ba nea tsela ya go tšhaba, go fihlela lefelo la polokego, mo kahlolo e ka se ba fihlelego.

Lefelo le bolokegilego leo, temana ya rena e re, lefelo leo ke Jerusalema. Batho ba hlohletšwa go humana botšhabelo mo Jerusalema. Bjalo ka ge go be go le bjalo mo di centuring tše di fetilego, ge Modimo a romele meetsefula lefaseng lohle. Gomme o ile a neela batho tsela ya go tšhaba. Bohle bao ba tšenego ka gare ga areka ya Noah, ba be ba tla efoga kahlolo. Go bjalo seo se swana le Jerusaleman mo temaneng ya rena. Mang le mang yo a tlogo o tla humana botšhabelo mo Jerusalema, gomme o tla bolokega. Bjale Modimo o a bitša: etlang ka pela, pele nako e le sia.

Ge re phethagatša se mo nakong tša rena, re ka bolela ra re motse wa Jerusalema o eme bjalo ka sešupo sa lefelo la polokego. Ana bjale lehono lefelo la polokego ke lefe? Bjale ka ge re tseba go tšwa Beibeleng, phuthego ya Testamente e Mpsa gantši e bapetšwa le motse wa Jerusalema Testamenteng ya Kgale. Gomme lehono lefelo leo la polokego le mo phuthegong ya Jesu Kriste! Ge o o le leloko la phuthego le nago le tumelo, gomme bjale o humane lefelo la botšhabelo, lefelo leo o tlilego go efoga kahlolo. Mang le mang yo a bitšago ka nnete leina la Morwa wa Modimo, Jesu Kriste, o tlile go humana phološo. Gomme le nako e sa le ka lehlakoreng la gago! Mejako e sa

butšwe. Etle ka pela, tsena mo kerekeng ya Kriste. O se ke wa tlogela fela, o se ke wa ba le boikgogomošo, o se ke wa emela thoko. Etle, khunama pele ga Kriste, o ipolele dibe, le makgopo a gago, o kgopele tshwarelo, ikemišetše go neela bophelo bja gago mo mmušong wa gagwe.

Nke ke boeletše ditaba tše botse tše: lehono Modimo o re neela tsela ya go efoga gape. Ge o sa nyake go lahlwamoka, ge o nyaka go efoga kahlolo, ka nnete mollo wa dihele, e ba leloko la phuthego ya gagwe. Gobane mo, mo kerekeng o tlile go kopana le Kriste. Yena yo a hwetšego dibe tša bohle bao ba bolelago go leina la gagwe. Pele nako e telele e fihla, Modimo o tlile go bitša batho bohle ba dibe, bao ba sa sokologago, a ba biletša moeding wa Jehosafata go ba ka mantšu a mangwe, mo letšatšing la gagwe la kahlolo ya bofelo. Empa bao ba humanego botšhabelo go Jesu Kriste ba tlile go humana molaetša o botse, molaetša o botse wa taletšo: etlang ga re yeng thabeng ya Modimo, mo ngwakong wa Modimo wa Jakobo. Gomme Jerusalema thaba e kgethwa, e tlile go ba e kgethwa gape, gomme bantle ba ka se kgone go tsena go yena gape. Mo re ka gopola ka ga legodimo le lefase le lefesa, mo sebe sohle le bokgopo bjohle di tlilego go tlošwa mo pele ga sefahlego sa lefase. Bao maphelo a bona a hlatswitšwego ka madi a Jesu Kriste ba tlile go humana lefase le lefesa, ba dule gona gomme ba tšhabe le go tumiša Modimo, gomme ba iketle mo bophelong yena a le gare ga bona. Gonabjale le ka go sa felego.

Amene.